



---

**KATIKA KAMATI YA MAUDHUI YA MAMLAKA YA MAWASILIANO TANZANIA,  
DAR ES SALAAM**

**WITO NA MASHTAKA YA UKIUKAJI WA KANUNI ZA MAWASILIANO YA  
KIELEKTRONIKI NA POSTA (MAUDHUI YA UTANGAZAJI WA REDIO NA  
TELEVISHENI), 2018**

**DHIDI YA**

**RADIO FREE AFRICA**

**SHAURI NA. 08- 2020/2021**

*(Wito huu umetolewa chini ya Kifungu cha 28(1), (b) na (c) cha Sheria ya Mamlaka  
ya Mawasiliano Tanzania Sura Na. 172 Marejeo ya Mwaka 2017)*

---

## **1.0 MAELEZO KUHUSU UKIUKAJI WA KANUNI**

- 1.1 **Kwamba**, Mamlaka ya Mawasiliano Tanzania, ilitoa leseni ya kurusha Matangazo (Matangazo ya Redio ) kwa Kituo cha Utangazaji cha **Radio Free Africa** kwa ajili ya kutoa huduma ya utangazaji wa maudhui kwa njia ya redio.
- 1.2 **Kwamba**, tarehe 29/07/2020 kati ya saa 12.00 na saa 12.30 asubuhi Kituo cha **Radio Free Africa** kinatuhumiwa kukiuka Kanuni na Maadili ya Utangazaji kupitia kipindi cha **"Amka na BBC"** , kwa kurusha maudhui bila kuzingatia mizania ya habari pale walipokuwa wakimhoji Makamu Mwenyekiti wa Chama cha Demokrasia na Maendeleo (CHADEMA) Bw. Tundu Lissu, juu ya viongozi wa chama hicho kutoshiriki katika kutoa heshima za mwisho kwa aliyekuwa Rais wa Awamu ya Tatu wa Jamhuri ya Muungano wa Tanzania Hayati Benjamin William Mkapa.

1.3 **Kwamba**, Mtangazaji wa kipindi hicho wakati akimhoji Bw. Tundu Lissu aliruhusu kurushwa kwa habari iliyogemea upande mmoja pale Bwana Tundu Lissu alipotoa tuhuma na kulalamika kuwa Serikali ilimnyima nafasi ya kutoa heshima za mwisho kwa Hayati Benjamin William Mkapa, bila kumtafuta Msemaji wa Serikali ili aweze kutolea ufafanuzi tuhuma hizo, jambo ambalo ni kinyume na Sheria, Kanuni na Maadili ya Utangazaji wa Habari.

1.4 **Kwamba**, wakati wa kipindi cha **Amka na BBC** Bw. Tundu Lissu alisikika, pamoja na maneno mengine, akizungumza yafuatayo:-

*“...Inasikitisha sana, tumefika kwa wakati tulioambiwa kwa mujibu wa ratiba. Kutuambia kwamba hatuwezi kuingia uwanjani kwa sababu tumechelewa tuliona ilikuwa ni namna tu ya kusema kwamba hawataki tushiriki kumuaga huyu aliyekuwa Rais wetu....Haiwezekani tena kama hutakiwi na waandaaji wa msiba ukilazimisha kwenda watakwambia wewe ndo mchawi. Sisi hatutaki kuonekana ni wachawi wa mzee Mkapa, tumesema waendele tu Mungu awabariki.”.*

## 2.0 KANUNI ZILIZOKIUKWA

**Kwamba**, kitendo cha **Radio Free Africa** kurusha kipindi kilicho ituhumu Serikali bila ya kuthibitisha ukweli wa madai yaliyotolewa katika taarifa hiyo kutoka kwenye vyanzo husika na kwa kutozingatia mizania, **Radio Free Africa** wanatuhumiwa kukiuka Kanuni Na.15(2) (b) na (c) na 16 za Mawasiliano ya Kielektroniki na Posta (Maudhui ya Utangazaji wa Redio na Televisheni) 2018; ambazo zinasomeka kama ifuatavyo:-

15. (2) *The licensee shall-*

*(b) report accurately, impartially, fairly and in a non-partisan manner;*



(c) report news in an objective and balanced manner, without intentional or negligent departure from the facts, whether by distortion, exaggeration, misrepresentation or material omission.


16. A content service licensee shall ensure that, during the presentation of current affairs programme, factual programmes and documentaries; where issues of public importance are discussed, reasonable effort is made and reasonable opportunity is given to present a fair, accurate, balanced and impartial view.

### 3.0 WITO WA KUTOA MAELEZO YA UTETEZI

**HIVYO BASI**; kutokana na tuhuma zilizotajwa katika aya ya 1.2, 1.3 na 1.4 hapo juu, Kamati ya Maudhui inautaka Uongozi wa **Radio Free Africa** kutoa maelezo ya utetezi **kimaandishi** na **kufika mbele ya Kamati** kujieleza kwa nini Kituo kisichukuliwe hatua za kisheria kwa kukiuka Kanuni za Huduma za Utangazaji zilizoainishwa hapo juu.

Uongozi wa **Radio Free Africa** unatakiwa kufika Makao Makuu ya Ofisi za Mamlaka ya Mawasiliano Tanzania, 20 Barabara ya Sam Nujoma, Dar es Salaam, **tarehe 10 Agosti, 2020** Saa **05:00 asubuhi** kwa ajili ya kutoa utetezi wake katika shauri hili.

**Imetolewa leo ..... Agosti 2020.**



.....  
**JOSEPH M. MAPUNDA**  
**MAKAMU MWENYEKITI**  
**KAMATI YA MAUDHUI YA MAMLAKA YA MAWASILIANO TANZANIA**

Imepokelewa na Radio Free Africa leo tarehe..... **Agosti, 2020.**

JINA..... **MARY GUMBO**  
SAINI..... **M**  
CHEO..... **SECRETARY**

